

ШАВКАТ МИРЗИЁЕВ: ЭНДИ БУ ТАРМОҚ ҚЎШИЛГАН ҚИЙМАТ БЕРАДИГАН ВАҚТ КЕЛДИ

Президент Шавкат Мирзиёев 29 март куни кимё саноати тармоғида амалга оширилаётган лойиҳалар тақдимоги билан танишди.

Мамлакатимизда углеводород хомашёси ва минерал ресурсларни чуқур қайта ишлаб, импорт ўрнини босувчи ва экспортбон маҳсулотлар ишлаб чиқариш бўйича катта салоҳият бор. “Ўзкимёсаноат” акциядорлик жамияти томонидан бу борада 1 миллиард 355 миллион долларлик 21 та лойиҳа амалга оширилмоқда.

Шундан қарийб 60 миллион долларлик 8 та лойиҳа жорий йилда ишга туширилади. Қорақалпоғистон Республикаси, Тошкент шаҳри, Навоий, Жиззах ва Тошкент вилоятларида жойлашган ушбу корхоналарда 11 турдаги янги маҳсулот ўзлаштирилади. Ийлига 450 миллиард сўмлик товарлар ишлаб чиқарилиб, 15 миллион долларлик импорт ўрнини тўлдириб ҳамда қарийб 30 миллион долларлик экспорт имконияти яратилади. Ушбу корхоналарда 260 киши иш билан таъминланади.

Бундан ташқари, айна пайтда умумий қиймати 2 миллиард 600 миллион доллардан зиёд бўлган 18 та лойиҳанинг техник-иқтисодий асослари ишлаб чиқилмоқда.

Умумлаштириб айтганда, бу йилги ва истиқболдаги барча лойиҳалар натижа-сида 3 миллиард долларлик маҳсулот ишлаб чиқариш қуввати яратилади, тармоқнинг экспорт салоҳияти 1 миллиард 300 миллион долларга етади. Янги корхоналарда 3 минг 500 га яқин иш ўрни ташкил этилади.

Яна бир муҳим жиҳати, ушбу корхоналар фаолияти йўлга қўйилганидан сўнг, табиий газни чуқур қайта ишлаб олинган янги маҳсулотлар қиймати 2 миллиард 100 миллион доллардан ошади. Янги қўшилган қиймат 14 баробар кўпаяди.

Кимёвий хомашё ва ярим тайёр маҳсулотлар негизда талаб юқори бўлган товарлар ишлаб чиқариш қувватларини яратиш мақсадида “Навоийазот” ва “Фарғонаазот” акциядорлик жамиятлари ҳамда Қорақалпоғистон Республикасида 3 та ийрик технологик кластерни барпо этиш режалаштирилган.

Хусусан, “Навоийазот”да умумий қиймати 2 миллиард 600 миллион долларлик 16 та лойиҳа, “Фарғонаазот”да жами 334 миллион долларлик 4 та лойиҳа, Қорақалпоғистон Республикасида салкам 687 миллион долларлик 3 та лойиҳа амалга оширилади.

Давлатимиз раҳбари ишлаб чиқариш ва илм-фан ўртасида интеграцияни ривожлантириш масаласига доим алоҳида эътибор қаратади. Шу мақсадда

пойтахтимизнинг Улугбек шаҳарчасида илмий кимё кластерини ташкил этиш ҳам режалаштирилган. Унга қўра, 60 гектар майдонда маъмурий ва ўқув бинолари, лабораториялар, Ўзбекистон — Корея илмий маркази, илмий ходимлар учун турар жойлар, ётоқхона, амфитеатр, боғ ва кўёш электр станцияси барпо этиш кўзда тутилган. Бу ерда 8 минг нафар талаба тахсил олиши мумкин бўлади.

Шунингдек, мазкур илмий кластер Тошкент кимё технология илмий-тадқиқот институтини ҳамда Чирчик шаҳридаги ишлаб чиқариш лабораторияларини ўз ичига олади.

— Кимё саноатига жуда катта маблағ бердик. Энергия самарадорлиги жиҳатидан технологиялар янгиланди. Энди бу тармоқ қўшилган қиймат берадиган вақт келди. Жуда катта имкониятлар бор. Агар ҳар бир йўналиш бўйича миқдорини, сифатини, нархини жой-жойига қўйсак, экспорт 5-6 баробар ошади, — деди Шавкат Мирзиёев.

Иқтисодиёт тармоқлари ва тадбиркорлик субъектлари талаб этилган маҳсулотларни ишлаб чиқариш бўйича янги-янги лойиҳалар шакллантириш зарурлиги таъкидланди.

Тақдимода кимё корхоналаридаги давлат улушини қисқартириш, уларни трансформация қилиш, соҳага корпоратив бошқарув ва молиявий ҳисоботларнинг халқаро стандартларини жорий этиш борасидаги ишлар юзасидан ҳам маълумот берилди.

“Ўзкимёсаноат” акциядорлик жамияти тузилмасини ўзгартириш, малакали кадрлар тайёрлаш юзасидан вази-фалар қўйилди.

Тадбирда ичимлик суви тармоқлари ва автомобиль йўллари ҳолати бўйича ўтказилган хатлов натижалари ҳам кўриб чиқилди. Бу йил 7 минг 184 километр қувурлар, резервуар ва насос станциялари қурилиб, 1 минг 106 та маҳаллага тоза ичимлик суви етказилди. Натижада 4 миллиондан зиёд аҳолининг сув таъминоти яхшиланади. Шунингдек, жорий йилда 16 минг 800 километр йўллар таъмирланиши айтиб ўтилди.

Давлатимиз раҳбари халқаро тажрибани қўллаб, қурилишни арзонлаштириш, эксплуатация сифатини таъминлаш, ажратилган маблағлар манзилли ва самарали ишлатилишини назорат қилиш бўйича курсатмалар берди.

ЎЗА

ЎЗБЕКИСТОН ПРЕЗИДЕНТИ ТУРКИЙ КЕНГАШНИНГ НОРАСМИЙ САММИТИДА ИШТИРОК ЭТАДИ

Ўзбекистон Республикаси Президенти Шавкат Мирзиёев 31 март куни Туркий тилли давлатлар ҳамкорлик кенгашининг (Туркий кенгаш) видеоконференцияда иштирок этади.

Қозғоғистон ташаббуси билан чақирилган бўлажак олий даражадаги учрашувда Туркий кенгаш доирасидаги кўп қиррали муносабатларни янада кенгайтириш ва мустаҳкамлаш масалаларини муҳокама қилиш режалаштирилган.

Давлатимиз раҳбари ўз нутқида бирлашмага аъзо мамлакатларнинг савдо-иқтисодий, инвестициявий, транспорт-коммуникация ва маданий-гуманитар соҳалардаги ўзаро манфаатли ҳамкорлигини кенгайтиришга доир ташаббусларни илгари суриши кутилмоқда.

2009 йил 3 октябрь куни ташкил этилган кенгашга Ўзбекистон, Озарбайжон, Қозғоғистон, Қирғизистон ва Туркия аъзо. Бундан ташқари, Венгрия Туркий кенгаш ишида қузатувчи мамлакат сифатида ишти-рок этмоқда.

Ўзбекистон Республикаси бу кенгашга 2019 йилда қўшилган. Ўша йили 15 октябрда Бокуда бўлиб ўтган саммитда мамлакатимиз илк бор тўла ҳуқуқли аъзо сифатида иштирок этган.

Туркий тилли мамлакатлар ўртасидаги алоқалар ва ишончини мустаҳкамлаш, савдо, иқтисодиёт, транспорт, энергетика, туризм ва маданий-гуманитар соҳадаги ҳамкорликни ривожлантириш, минтақада тинчлик ва хавфсизликни таъминлаш борасидаги саъй-ҳаракатларни мувофиқлаштириш ташкилотнинг асосий мақсадлари ҳисобланади.

Туркий кенгашининг олий органи — Давлат раҳбарларининг кенгаши, доимий фаолият юритувчи ижро органи — Истанбул шаҳрида жойлашган Котибият. Бундан ташқари, ТТДҚК шафелигида Халқаро туркий маданият ташкилоти (ТУРКСОЙ), Туркий тилли давлатлар Парламент ассамблеяси (ТуркПА) ва Туркий маданият ва мерос фонди, Халқаро Туркий академия ва Ишбилармонлар кенгаши фаолият юритмоқда.

ЎЗА

ЖССТ РАҲБАРИ ЎЗБЕКИСТОН ПРЕЗИДЕНТИГА МАКТУБ ЙЎЛЛАДИ

Ўзбекистон Республикаси Президенти Шавкат Мирзиёев Жаноби Олийларига

Жаноби Олийлари!

2020 йил сентябрь ойида Бирлашган Миллатлар Ташкилоти Бош Ассамблеясининг 75-сессиясида илгари сурилган Пандемиялар даврида давлатларнинг ихтиёрий мажбуриятлари тўғрисидаги халқаро кодекс лойиҳасини Жаҳон соғлиқни сақлаш ташкилотига (ЖССТ) тақдим этилгани ўз вақтида қабул қилинган қарор бўлди.

Утган йили биз пандемиядан кўп сабоқ чиқардик ва эндиликда келажакка назар ташлашимиз керак. Жаҳон соғлиқни сақлаш ассамблеясининг COVID-19га қарши чоралар бўйича WHA73.1 резолюция-сига мувофиқ, мен 2020 йил сентябрь ойида иш бошлаган Халқаро тиббий-санитария қондаларининг (2005 йил) амал қилишини ўрганиш Кўмитасини қақирдим ҳамда Пандемияга шайлиқни таъминлаш ва жавоб чоралари бўйича Мустақил гуруҳини таъсис этдим.

Бундан ташқари, аъзо давлатлар томонидан амалга оширилаётган жараён доирасида Халқаро тиббий-санитария қондаларига қўшимчалар киритиш мақсадида пандемияга шайлиқ ва жавоб чоралари тўғрисида глобал ҳадли конвенцияни ишлаб чиқиш имконияти юзасидан мунозаралар давом этмоқда.

Мазкур масала 2021 йил 18 март куни ўтган ЖССТнинг ташкилотга аъзо давлатлар учун мўлжалланган ахборот сессиясида муҳокама қилинди. Бу кўплаб мамлакатларда қизиқиш уйғотди ва кейинги муҳокамалар учун қадам бўлиб хизмат қилди.

Жаноби Олийлари, Халқаро кодекс лойиҳасини ишлаб чиқиш масаласида узоқни кўзла-ганингиз ва бу жараёнда етакчилик қилганингиз учун Сиздан миннатдорман. Биз ҳужжатни диққат билан ўрганиб чиқдик. Унда қўйилган вазифаларнинг кўлами ва тақлиф этилган амалий ечимлар менда катта таасурот қолдирди. Кодекс лойиҳаси тақдим этилгани ўз вақтида қабул қилинган қарор бўлди.

Утган йили биз пандемиядан кўп сабоқ чиқардик ва эндиликда келажакка назар ташлашимиз керак. Жаҳон соғлиқни сақлаш ассамблеясининг COVID-19га қарши чоралар бўйича WHA73.1 резолюция-сига мувофиқ, мен 2020 йил сентябрь ойида иш бошлаган Халқаро тиббий-санитария қондаларининг (2005 йил) амал қилишини ўрганиш Кўмитасини қақирдим ҳамда Пандемияга шайлиқни таъминлаш ва жавоб чоралари бўйича Мустақил гуруҳини таъсис этдим.

Бундан ташқари, аъзо давлатлар томонидан амалга оширилаётган жараён доирасида Халқаро тиббий-санитария қондаларига қўшимчалар киритиш мақсадида пандемияга шайлиқ ва жавоб чоралари тўғрисида глобал ҳадли конвенцияни ишлаб чиқиш имконияти юзасидан мунозаралар давом этмоқда.

Мазкур масала 2021 йил 18 март куни ўтган ЖССТнинг ташкилотга аъзо давлатлар учун мўлжалланган ахборот сессиясида муҳокама қилинди. Бу кўплаб мамлакатларда қизиқиш уйғотди ва кейинги муҳокамалар учун қадам бўлиб хизмат қилди.

Барчанинг хавфсиз кела-жагига сармоя киритиш, барқарор ва ишончли соғлиқни сақлаш тизимларини барпо этиш ҳамда соғлиқни сақлаш соҳасида юзага келиши мумкин бўлган ҳар қандай инқирозларга шай туришга тайёргарлик кўриш вақти келиди. Жаноби Олийлари, сиёсий етакчилигингиз туфайли Сизнинг бу борадаги иштирокингиз ҳал қилувчи аҳамиятга эга. Сиз тақдим этган Халқаро кодекс лойиҳасини пандемияни ўрганиш бўйича амалдаги жараёнларга ва пандемияга қарши курашиш бўйича ҳар қандай режалаштиришга бевосита боғлиқ. Сиз ушбу сазай-ҳаракатларда шахсан иштирок этишда давом этишингизга умид қиламан.

Жаноби Олийлари, COVID-19 пандемиясини олдин олиш ва барчанинг соғлом ва хавфсиз келажагини таъминлаш ишига содиқлигингиз учун Сизга яна бир бор ташаккур билдираман. Жаҳон соғлиқни сақлаш ташкилоти жамоат саломатлиги соҳасида иштирок этишда глобал фақуллодда вазиятда Сиз билан ҳам-жиҳатдир.

Жаноби Олийлари, Сизга бўлган юксак ҳурмат-эҳтиромини қабул қилгайсиз. Энг эзгу тилаклар ва миннатдорлик билан,

Доктор Тедрос Аданом ГЕБРЕЙЕСУС, Жаҳон соғлиқни сақлаш ташкилоти бosh директори

ВЕНГРИЯ БОШ ВАЗИРИ ТОШКЕНТГА КЕЛДИ

Аввал хабар қилинганидек, Венгрия Бош вазири Виктор Орбан 29 март куни расмий ташриф билан мамлакатимизга келди.

Исплом Каримов номидаги Тошкент халқаро аэропортида олий мартабали меҳмон ва унинг рафиқасини Ўзбекистон Республикаси Бош вазири Абдулла Арипов кутиб олди.

Венгрия Бош вазири пойтахтимиздаги Мустақиллик майдонига ташриф буюрди.

Мамлакатимиз бош майдони халқимиз озодлигининг, аждодларимиз асрлар давомида орзиқ кутган ва муттасил интилиб яшаган, бугунги авлодларга насиб этган энг улуг, энг азиз неъмат бўлиши истиқлолимизнинг муқаддас рамзидир. Шу боис, бу муаззам майдонга давлат ва ҳукуматлар раҳбарлари, хорижий расмий делегациялар ташриф буюриши яхши аънамага айланган.

Венгрия Бош вазири Виктор Орбан ҳам мамлакатимизга илк расмий ташрифини Мустақиллик майдонидан бошлади. Олий мартабали меҳмон Мустақиллик ва эзгулик монументи пойга гул қўйди.

Меҳмонга Мустақиллик майдонининг мазму-но-моҳияти, бу ерда амалга оширилган бунёд-корлик ишлари ҳақида сўзлаб берилди. Виктор Орбан ушбу мажмуа ўзбек халқини истиқлол

руҳидан куч олиб, янада улкан марралар сари интилишида ўзига хос маёқ бўлиб хизмат қили-шини таъкидлади.

Шундан сўнг Венгрия делегацияси ўзи учун ажратилган қароргоҳга йўл олди.

Венгрия Ўзбекистоннинг Европа Иттифоқидаги энг яқин ҳамкорларидан бири бўлиб, мамлакатларимиз кўп қиррали амалий шериклиқни йўлга қўйган. Кейинги йилларда икки мамлакат ўртасидаги аънаванавий дўстлик ва турли даражадаги фаол мулоқотлар жадал ривожланиб бормоқда.

Ўзбекистон Республикаси Президенти Шавкат Мирзиёев 2019 йил 15 октябрь куни Туркий тилли давлатлар ҳамкорлик кенгашининг Боку шаҳридаги саммити доирасида Венгрия Бош вазири Виктор Орбан билан учрашган эди. Мазкур учрашувдан сўнг турли соҳалардаги самарали мулоқотлар фаоллашди. Хусусан, сўнгги тўрт йилда икки мамлакат ўртасидаги савдо айланмаси деярли уч баробарга ўсган. Мураккаб пандемия шароитига қарамай, ўтган йили ҳам ҳамкорлик самарали бўлиб, товар айирбошлаш ҳажми кўпайган.

Ташрифнинг асосий воқеалари 30 март куни Кўсарой қароргоҳида бўлиб ўтади.

Ўзбекистон Республикаси Президенти Шавкат Мирзиёев ва Венгрия Бош вазири Виктор Орбан сиёсий, савдо-иқтисодий, инвестициявий, молиявий-техник ва маданий-гуманитар соҳаларда икки томонлама ҳамкорликни янада кенгайтириш истиқболларини муҳокама қиладилар. Бундан ташқари, халқаро сиёсат ва минтақавий ҳамкорлик масалалари юзасидан фикр алмашилди.

Олий даражадаги музоқаралар натижасида Ўзбекистон ва Венгрия муносабатлари сифат жиҳатидан янги — стратегик даражага чиқиши кутилмоқда.

Бош вақир Виктор Орбан ташриф дастурига мувофиқ илмий-тадқиқот ва тарихий объектлар билан танишади.

Ташриф якунида иқтисодиёт, энергетика, таълим ва кадрлар тайёрлаш, маданият, ҳудудларо ҳамкорлик, бандлик ва меҳнат муносабатлари соҳаларида икки томонлама муносабатларни янада кенгайтиришга қаратилган қатор келишувлар имзо-ланиши кутилмоқда.

Матназар ЭЛМУРОДОВ, ЎЗА мухбири

“ЯНГИ ЎЗБЕКИСТОН” УЧУН МАХСУС

Ўзбекистон — Венгрия:

Икки мамлакат ўртасидаги ҳамкорликни янада ривожлантириш ўзаро манфаатли ва тенг ҳуқуқли муносабатлар кўламини кенгайтиради

Ўзбекистон мустақиллигининг дастлабки кунлариданоқ дунёнинг барча давлатлари билан тенг ва ўзаро манфаатли алоқаларни ўрнатилган ва ривожлантиришга катта эътибор қаратиб келади.

Венгрия 1991 йил 26 декабрь куни республикамиз мустақиллигини тан олган ва мамлакатимизнинг Европадаги вақт синовидан ўтган ишончли шерикларидан бири ҳисобланади. Икки давлат ўртасида дипломатик алоқалар 1992 йил 3 март куни ўрнатилган.

Ўзбекистон ва Венгрияда олий даражада давом эттирилаётган мунтазам сиёсий мулоқотларга алоҳида аҳамият берилади.

Давоми 2-бетда

ҚИЁСИЙ РАҚАМЛАР

Ўзбекистонда фаолият кўрсатаётган мактабгача таълим муассасалари сони

2000 йил	6704 та
2010 йил	5375 та
2020 йил	7718 та

Манба: Давлат статистика қўмитаси

ЯНГИ ЎЗБЕКИСТОН МАФКУРАСИ: ЭЗГУЛИК, ОДАМИЙЛИК, ГУМАНИЗМ

“БИЗ ЁЗМАСАК КИМ ЁЗГАЙДИР БУ КУНЛАРНИНГ “ХАМСА” СИН”

Президентимиз Шавкат Мирзиёев раислигида 19 январь куни маънавий-маърифий ишлар тизимини тубдан такомиллаштириш, бу борада давлат ва жамоат ташкилотларининг ҳамкорлигини кучайтириш масалалари бўйича ўтказилган видеоселектор йиғилишида бугун янги ҳаёт қуриш, ривожланган давлатлар қаторига чиқиш йўлидан бораётган мамлакатимизда миллий ғоя масаласи жуда муҳим аҳамиятга эга эканлиги айтиб ўтилди.



Давоми 6-бетда